

ISSN 2831-1604



BILTEN

ZAVODA ZA JAVNO ZDRAVSTVO
FEDERACIJE BOSNE I HERCEGOVINE

Broj 2

Sarajevo/Mostar, 2023.



Učešće Zavoda za javno zdravstvo Federacije BiH na sastanku o uspostavi regionalne mreže Zapadnog Balkana za obuku iz interventne epidemiologije

Budva, 3. 4.- 6. 4. 2023.

Programi terenske epidemiološke obuke (FETP) su programi obuke i usluga koji se temelje na kompetencijama u primijenjenoj epidemiologiji unutar javnozdravstvenih sistema. Postoji jasna potreba za daljnjim razvojem primijenjenih epidemioloških vještina na regionalnom i nacionalnom nivou, a interes za provođenje regionalnog FETP-a je veliki. Na inicijativu Evropske komisije, mediteranski i crnomorski program za obuku iz interventne epidemiologije (MediPIET) započeo je 2013. godine kao pilot program obuke u okviru EU inicijative za zdravstvenu sigurnost. Svih šest zemalja Zapadnog Balkana (WB6) učestvuju u programu MediPIET.

Organizatori sastanka u Budvi su Evropski

centar za kontrolu i prevenciju bolesti (ECDC) i Institut za javno zdravlje Crne Gore, a cilj je iznalaženje načina kako da se regionalni WB6 FETP uspostavi u relativno kratkom periodu, osposobljavanje većeg broja epidemiologa na lokalnim jezicima, podržavanje izgradnje kapaciteta za prevenciju i kontrolu prirodnih ili ljudskih prijetnji po zdravlje koje predstavljaju zarazne bolesti itd.



Simpozij povodom Svjetskog dana zdravlja

Mostar, 5. 4. 2023.

Simpozij povodom Svjetskog dana zdravlja zajednički su organizovali Zavod za javno zdravstvo Federacije Bosne i Hercegovine i Medicinski fakultet Sveučilišta u Mostaru. Prim. mr. sc. Siniša Skočibušić, dr. med. - direktor Zavoda za javno zdravstvo Federacije BiH podsjetio je da je misija Zavoda pružanje naučne i stručne podrške Federalnom ministarstvu zdravstva u provođenju politika vezanih za javno zdravstvo i napomenuo da je prevencija bolesti još jedan ključni prioritet javnog zdravstva pomoću promovisanja zdravog načina života te podsticanjem vakcinacije protiv različitih bolesti, posebno populacije koja je u većem riziku. Također, podsjetio je da Zavod trenutno provodi kampanju za redovnu imunizaciju, vakcinaciju protiv HPV-a i vakcinaciju protiv COVID-19.

Svoja izlaganja su imali i prof. dr. Ivan Čavar

- dekan Medicinskog fakulteta Sveučilišta u Mostaru, Veronika Vashchenko - zamjenica predstavnice UNICEF-a BiH i dr. Mirza Palo iz Kancelarije Svjetske zdravstvene organizacije u BiH.

Javnozdravstvenim predavanjima te prezentacijom podataka o aktuelnom zdravstvenom stanju stanovništva Federacije BiH, domaći stručnjaci su podsjetili na važnost prevencije bolesti, očuvanja i unaprjeđenja zdravlja. Učešće na simpoziju bodovalo se prema Pravilniku Liječničke/ljekarske komore HNŽ/K.

U sklopu Simpozija, studenti Medicinskog fakulteta Sveučilišta u Mostaru su na promotivnim štandovima u Sveučilišnoj kliničkoj bolnici Mostar razgovarali sa zainteresovanim građanima o važnosti zdravlja te im dijelili informativne letke i edukativno - promotivne materijale.





Dodjela počasnog zvanja primarijus doktorima iz Zavoda za javno zdravstvo Federacije BiH

Sarajevo, 7. 4. 2023.

Predstavnici Federalnog ministarstva zdravstva organizovali su dodjelu počasnog zvanja primarijus zdravstvenim profesionalcima u Federaciji BiH koji su dali veliki stručni doprinos unaprjeđenju zdravstvene zaštite stanovništva u Federaciji BiH, doprinos razvoju svoje struke i zdravstva u cjelini.

Na svečanosti u Sarajevu povodom obilježavanja Svjetskog dana zdravlja i 75 godina Svjetske zdravstvene organizacije, počasno zvanje primarijus u 2023. godini dobila su i

tri doktora iz Zavoda za javno zdravstvo Federacije BiH: mr. sc. Siniša Skočibušić, dr. med., specijalista infektolog - direktor Zavoda, prof. dr. sc. Sanjin Musa, specijalista epidemiolog - voditelj Službe za epidemiologiju zaraznih bolesti i mr. sc. Adnana Maksumić Dizdarević, dr. med., specijalista socijalne medicine i organizacije zdravstvene zaštite sa ekonomikom zdravstva - voditeljica Službe za socijalnu medicinu Zavoda za javno zdravstvo FBiH.



Učešće Zavoda za javno zdravstvo Federacije BiH na Stručnom skupu povodom Svjetskog dana zdravlja

Sarajevo, 7. 4. 2023.

Direktor Zavoda za javno zdravstvo Federacije BiH prim. mr. sc. Siniša Skočibušić, dr. med. učestvovao je na Stručnom skupu kojeg je povodom 7. aprila - Svjetskog dana zdravlja u Sarajevu organizovalo Federalno ministarstvo zdravstva, u saradnji sa kancelarijom Svjetske zdravstvene organizacije u BiH i Udruženjem oboljelih od raka prostate u FBiH.

Po riječima prim. dr. Skočibušića, čije predavanje je bilo posvećeno obolijevanju i smrtnosti od maligne neoplazme prostate u FBiH

te vodećim malignitetima u svijetu, rano otkrivanje raka prostate je moguće redovnim godišnjim skriningom muškaraca između 40 i 50 godina, digitorektalnim pregledom i određivanjem vrijednosti PSA u krvi. Dodatno se može uraditi ultrazvučna pretraga sa biopsijom sumnjivih područja. Skrining prostate bi se trebao provoditi kod populacije zdravih muškaraca iznad 50 godina života, a ukoliko se rak prostate otkrije rano, prije pojave metastaza, gotovo je potpuno izlječiv.



Sastanak o izradi legislative o ishrani djece u predškolskim ustanovama, osnovnim i srednjim školama u Tuzlanskom kantonu

Sarajevo, 7. 4. 2023.

Predstavnici Zavoda za javno zdravstvo Federacije BiH i predstavnici Zavoda za javno zdravstvo Tuzlanskog kantona održali su 7. aprila u Sarajevu sastanak o izradi legislative o ishrani djece u predškolskim ustanovama, osnovnim i srednjim školama u Tuzlanskom kantonu.

Radna grupa koja je izradila prijedlog Pravilnika o ishrani djece u predškolskim ustanovama, osnovnim i srednjim školama u Tuzlanskom kantonu prezentovala je svoj prijedlog Stručnom timu Zavoda za javno zdravstvo Federacije BiH koji je predstavio moguće pristupe i modele u kreiranju jelovnika upotrebom važećih standarda i normativa, nakon čega je

uslijedila praktična obuka o njihovoj primjeni i određivanju nutritivnog sastava obroka, popraćena relevantnom literaturom sa primjerima jelovnika.





11. april/travanj Svjetski dan Parkinsonove bolesti

Učešće predstavnika Zavoda za javno zdravstvo FBiH na Sastanku partnera radnog paketa 7 Best-ReMap projekta

Ljubljana, 12. 4.- 13. 4. 2023.

Tim Zavoda za javno zdravstvo Federacije BiH prisustvovao je Sastanku partnera radnog paketa 7 Best-ReMap projekta zajedno sa učesnicima iz Austrije, Danske, Finske, Grčke, Mađarske, Malte i Slovenije. Sastanak je upriličen sa ciljem prezentovanja rezultata i postignuća aktivnosti radnog paketa 7 i naučenih lekcija zemalja učesnica nakon provedenih projektnih aktivnosti koje su uključivale: podršku osnivanju međusektorske radne grupe za javnu nabavku hrane u javnim ustanovama država učesnica, povećanje znanja i vještina u vezi sa javnom nabavkom hrane/prehram-

benih proizvoda u odabranim javnim ustanovama, povećanje izbora kvalitetnih namirnica za jelovnike u odabranim javnim ustanovama, pilotiranje softvera „Katalog hrane” u postupku javne nabavke i donošenje preporuka za javnu nabavku hrane na osnovu standarda kvaliteta u državama članicama EU. Nalazi studija slučaja zemalja partnera radnog paketa 7 su poslužili za pripremu zajedničkog izvještaja za Evropsku komisiju koji treba pomoći u oblikovanju novog Okvira za održive prehranbene sisteme u kojem je značajno adresiran i problem javnih nabavki hrane.



Objava promotivnih materijala za kampanju imunizacije u FBiH

14. 4. 2023.

Zavod za javno zdravstvo Federacije Bosne i Hercegovine provodi kampanju za redovnu imunizaciju, vakcinaciju protiv HPV-a i vakcinaciju protiv COVID-19, sa pratećim posterima i spotovima objavljenim u elektronskoj formi.

Cilj kampanje je dodatno informisanje roditelja/staratelja o važnosti i svim aspektima redovne imunizacije djece i mladih prema Kalendaru imunizacije u Federaciji BiH, o važnosti vakcinacije djevojčica i djevojaka protiv humanog papiloma virusa (HPV) te o važnosti

vakcinacije starijih osoba protiv COVID-19.

Kampanjom se podsjeća javnost da je imunizacija jedno od najvećih dostignuća u medicini uopšte te da je vakcinacija najbolja mjera kojom se utiče na smanjenje obolijevanja i umiranja od zaraznih bolesti.

Kampanja je društveno odgovorna i nekomercijalnog karaktera, a provodi se u partnerstvu sa Federalnim ministarstvom zdravstva, UNICEF-om BiH, USAID-om, Evropskom unijom i Kancelarijom Svjetske zdravstvene organizacije u BiH.



Na linkovima se nalaze spotovi kampanje:

[Video - bosanski jezik](#)

[Video - hrvatski jezik](#)





Učešće Zavoda za javno zdravstvo Federacije BiH na Završnom sastanku zemalja članica BoCo-19 projekta

Istanbul, 26. 4.- 28. 4. 2023.

Na Završnom sastanku zemalja članica BoCo-19 projekta kojeg vodi Robert Koch Institut (RKI) iz Berlina, učestvovali su predstavnici 14 zemalja iz Istočne Evrope i Centralne Azije. Cilj projekta je bio istražiti teret bolesti COVID-19 koji je ostavila na zdravlje stanovništva prikupljajući i analizirajući podatke zemalja učesnica. Predstavnici zemalja su nakon dvije godine saradnje pripremili cijeli niz informacija koje pomažu daljnje usmjeravanje naučnih statističkih istraživanja. Voditeljica Službe za biostatistiku i informatiku Zavoda za javno

zdravstvo Federacije BiH mr. sc. Šeila Cilović - Lagarija, dr. dent. med. održala je zapaženo izlaganje u kojem je prezentovala istraživanje o višku smrtnosti od COVID-19 u Federaciji BiH te prikazala propuštene godine života i smrtnost zbog COVID-19.

Ovaj projekt je jedan od globalnih projekata kojima se želi ojačati odgovor na krizna stanja, posebno zdravstvena - kroz pravilno, sveobuhvatno i objektivno upravljanje podacima, stvarajući informacije koje doprinose planiranju i upravljanju u društvenom odgovoru na krizu.



Održana Konferencija “Evropska sedmica imunizacije”

Sarajevo, 28. 4. 2023.

Zavod za javno zdravstvo Federacije Bosne i Hercegovine u saradnji sa Kancelarijom SZO u BiH, organizovao je Konferenciju “Evropska sedmica imunizacije” posvećenu podizanju svijesti o važnosti vakcinacije.

Konferencija je okupila brojne istaknute domaće i međunarodne stručnjake koji se bave imunizacijom i promocijom imunizacije, a sve ih je u ime direktora Zavoda za javno zdravstvo Federacije BiH prim. mr. sc. Siniše Skočibušića, dr. med. pozdravila prof. dr. sc. Aida Ramić Čatak, dr. med. - pomoćnica direktora za medicinske poslove i voditeljica Sektora za javno zdravstvo Zavoda. Naglasila je da je Konferencija dio intenzivne kampanje za redovnu imunizaciju, vakcinaciju protiv humanog papiloma virusa (HPV-a) i vakcinaciju protiv COVID-19, koja se realizuje uz podršku

Federalnog ministarstva zdravstva, UNICEF BiH, USAID-a, Evropske unije i Kancelarije SZO u BiH.

Prim. prof. dr. sc. Sanjin Musa, dr. med. - voditelj Službe za epidemiologiju zaraznih bolesti Zavoda za javno zdravstvo Federacije BiH, istakao je da je pandemija COVID-19 imala negativan uticaj na provođenje programa redovne imunizacije djece i mladih te da je nadoknada propuštenih doza vakcina od velikog značaja u sprječavanju potencijalnih izbijanja bolesti koje se mogu spriječiti imunizacijom.

Konferencija “Evropska sedmica imunizacije” doprinos je izgradnji povjerenja javnosti u redovnu imunizaciju, odnosno u znanost i zdravstvene radnike, sa ciljem povećanja obuhvata imunizacije djece i mladih prema Kalendaru imunizacije u Federaciji BiH.





Održana edukacija za doktore medicine u Zapadnohercegovačkom kantonu iz oblasti mrtvozorstva

Posušje, 28. 4. 2023.

U organizaciji Ministarstva zdravstva, rada i socijalne skbi ŽZH i Doma zdravlja Posušje, održana je edukacija za doktore medicine iz oblasti mrtvozorstva. Edukacija sadrži dijelove koji se odnose na teoretski dio, stručno i praktično osposobljavanje mrtvozornika i doktora medicine iz oblasti mrtvozorstva, a u skladu sa Pravilnikom o načinu pregleda umrlih te utvrđivanja vremena i uzroka smrti.

Javnozdravstveni dio održale su dr. Senada



Tahirović, specijalista socijalne medicine i organizacije zdravstvene zaštite i Mirsada Hadžović, saradnik u službi biostatistike i informatike Zavoda za javno zdravstvo Federacije BiH.

U skladu sa iskazanim potrebama kantonalnih zavoda, Zavod za javno zdravstvo Federacije BiH planira učestvovati u daljnjim edukacijama iz mrtvozorstva u saradnji sa katedrom za sudsku medicinu.



Predstavljanje Zavoda za javno zdravstvo Federacije BiH na 24. Mostarskom sajmu privrede

Mostar, 2.- 6. 5. 2023.

Među izlagačima iz tridesetak zemalja na ovogodišnjem Mostarskom sajmu privrede bio je i Zavod za javno zdravstvo Federacije BiH. Po riječima direktora Zavoda, prim. mr. sc. Siniše Skočibušića, dr. med. aktivnosti Zavoda za javno zdravstvo Federacije BiH u brizi za javno zdravlje u Federaciji BiH kroz nadzor i analizu hrane, vode i predmeta opšte upotrebe su važne za široku javnost.

Učešće Zavoda za javno zdravstvo

Federacije BiH u 24. Mostarskom sajmu privrede samo je jedna od aktivnosti kojom Zavod potvrđuje svoju misiju unaprjeđenja zdravlja stanovništva Federacije BiH kroz stalni nadzor, istraživanje, edukacije i promociju zdravlja.

Sajam je na svečanosti otvaranja okupio brojne goste, među kojima je više od 700 izlagača, ekonomskih stručnjaka i regionalnih državnika i političara.



■ Obilježavanje Svjetskog dana babica

Sarajevo, 5. 5. 2023.

Zavod za javno zdravstvo FBiH organizovao je skup posvećen obilježavanju Svjetskog dana babica, u kojem su učestvovali predstavnici Zavoda, učenice ginekološko-akušerskog smjera Srednje medicinske škole Jezero - Sarajevo, njihovi profesori praktične nastave i predstavnik Zavoda za zaštitu žena i materинства Centar - Sarajevo.

Skupu je prethodila podjela promotivnog materijala građanima ispred zgrade Zavoda na temu dojenja i svih aspekata koristi od dojenja. Prigodna predavanja u zgradi Zavoda te diskusija koja je uslijedila, bili su prilika za

edukaciju učenika o javnozdravstvenoj ulozi koju ima ova profesija i odavanje priznanja radu babica, naročito u posljednje 3 godine kada je na globalnom planu njihov rad bio otežan usljed pandemijskih okolnosti.





8. maj/svibanj 2023.

Svjetski dan borbe protiv raka jajnika

100 ZAVOD ZA JAVNO ZDRAVSTVO FBiH
INSTITUTE FOR PUBLIC HEALTH FB&H
1923 - 2023



SVJETSKI
DAN BORBE
PROTIV RAKA
JAJNIKA 2023

**NIJEDNA
ŽENA
NIJE
ZABORAVLJENA**

8. MAJ/SVIBANJ
SVJETSKI
DAN
CRVENOG
KRIŽA I CRVENOG POLUMJESECA

100 ZAVOD ZA JAVNO ZDRAVSTVO FBiH
INSTITUTE FOR PUBLIC HEALTH FB&H
1923 - 2023

Održan Simpozij: “Doze zračenja i optimizacija u pedijatrijskoj radiologiji”

Mostar, 8. 5. 2023.

U okviru projekta BOH9014 “Strengthening Radiation Protection of Paediatric Patients in Diagnostic and Interventional Radiology”, Zavod za javno zdravstvo Federacije BiH u saradnji sa Međunarodnom agencijom za atomsku energiju (IAEA) organizovao je simpozij “Doze zračenja i optimizacija u pedijatrijskoj radiologiji” koji je održan u Organizacionoj jedinici Zavoda u Mostaru.

Također, od 9. do 11. maja Zavod za javno zdravstvo Federacije BiH, u saradnji sa IAEA, organizuje kurseve za medicinske fizičare i

inženjere medicinske radiologije naziva “Pacijentna dozimetrija, dijagnostički referentni nivoi i optimizacija u pedijatrijskoj radiologiji” i “Sistemi za praćenje pacijentnih doza”.

Pored domaćih eksperata, učestvovali su: IAEA eksperti, Shane Folley iz Health Sciences Centre, School of Medicine, University College Dublin, Ireland zatim Raija SEURI iz Children’s Hospital; Helsinki University Hospital, Finland te Anders Tingberg, Department of Radiation Physics; Skane University Hospital, Malmö, Sweden i dr.



Razmjena iskustava sa ciljem unaprjeđenja informacionog sistema imunizacije u Federaciji BiH

Bukurešt, 9. 5.- 10. 5. 2023.

Predstavnici Zavoda za javno zdravstvo Federacije BiH, predstavnici JZU Instituta za javno zdravstvo Republike Srpske i predstavnici Sektora za zdravstvo i ostale usluge Vlade Brčko distrikta, u organizaciji UNICEF-a BiH boravili su u Bukureštu radi posjete Državnom zavodu za javno zdravstvo Rumunije - Nacionalnom centru za nadzor i kontrolu zaraznih bolesti u Bukureštu i kancelariji UNICEF-a u Bukureštu – Sektor za zdravstveni program u Rumuniji.

Direktor Zavoda za javno zdravstvo Federacije BiH prim. mr. sc. Siniša Skočibušić, dr. med. upoznao je domaćine sa misijom, organizacionom strukturom i aktivnostima Zavoda za javno zdravstvo Federacije BiH, posebno

tokom dvije izazovne godine pandemije COVID-19, ističući da je Zavod bio jedan od ključnih nosilaca protivpandemijskih mjera. Domaćine je upoznao i sa programom obavezne vakcinacije u Federaciji BiH i razvojnim fazama i operacionalizaciji informacionog sistema imunizacije u Federaciji BiH. Predstavnici Zavoda za javno zdravstvo Federacije BiH posebno su se interesovali za Nacionalni elektronski registar o vakcinaciji u Rumuniji (RENV), njegovom funkcionisanju i softverskim karakteristikama, kako bi sagledali mogućnosti unaprjeđenja vlastitog informacionog sistema za praćenje vakcinacije protiv COVID-19 i redovne imunizacije u Federaciji BiH.



Učešće Zavoda za javno zdravstvo Federacije BiH na Regionalnoj radionici za unaprjeđenje zdravstvene zaštite u okviru programa „Socijalne inovacije za integrisanu zdravstvenu zaštitu starijeg stanovništva u regijama Jadransko-jonskog programa transnacionalne saradnje–SI4CARE“

Sarajevo, 16. 5. 2023.

Zavod zdravstvenog osiguranja i reosiguranja Federacije BiH, organizovao je u Sarajevu Regionalnu radionicu za unaprjeđenje zdravstvene zaštite u okviru programa „Socijalne inovacije za integrisanu zdravstvenu zaštitu starijeg stanovništva u regijama Jadransko-jonskog programa transnacionalne saradnje–

SI4CARE“, uz podršku Federalnog ministarstva zdravstva.

Vizija transnacionalne strategije je uspostavljanje efikasnog sistema dugotrajne brige i podrške starijem stanovništvu, uključujući one koji žive u udaljenim i ruralnim područjima, kako bi ostali unutar zajednice i sistema



koji je zasnovan na procesima društvenih inovacija i digitalizacije te osnažen nacionalnim i regionalnim zakonodavstvom.

Na ovom regionalnom skupu predstavljene su provedene projektne aktivnosti i rezultati, razvijeni Akcioni plan i pilot akcija Zavoda zdravstvenog osiguranja i reosiguranja Federacije Bosne i Hercegovine kao partnera projekta.



17. maj/svibanj SVJETSKI DAN HIPERTENZIJE

**Precizno mjerite svoj krvni pritisak,
kontrolirajte ga,
živite duže.**



Održana radionica “Standardne operativne procedure za efikasno upravljanje vakcinama”

Neum, 18. 5.- 19. 5. 2023.

Dvodnevnu radionicu “Standardne operativne procedure za efikasno upravljanje vakcinama” organizovao je UNICEF BiH i Fondacija INFOHOUSE, u okviru projekta “Vođenje razvoja standardnih operativnih procedura (SoP) kao dio aktivnosti efektivnog upravljanja vakcinacijom u Federaciji BiH, Republici Srpskoj i Brčko

distriktu BiH”, kojeg finansira UNICEF BiH. Cilj projekta je promovisanje vakcinacije protiv COVID-19 i jačanje hladnog lanca i logističkih kapaciteta u zdravstvenim ustanovama u BiH.

Radionicu su vodili prof. dr. sc. Sanjin Musa, dr. med. i mr. ph. Šejla Čolaković iz Zavoda za javno zdravstvo Federacije BiH.



Zavod za javno zdravstvo Federacije BiH podržao 24. Federalno takmičenje iz prve pomoći

Sarajevo, 20. 5. 2023.

24. Federalno takmičenje iz pružanja prve pomoći održano je u organizaciji Crvenog križa FBiH na Vilsonovom šetalištu u Sarajevu. Okupilo je učenike osnovnih i srednjih škola iz Federacije BiH, kao i timove mladih Crvenog križa koji su na različitim insceniranim nesrećama, uz realističan prikaz povreda, stanja i oboljenja po-

kazali stečeno znanje i vještine iz prve pomoći.

Predstavnici Zavoda za javno zdravstvo Federacije BiH kao podrška Crvenom križu FBiH, na svom su štandu dijelili promotivni materijal i razgovarali sa zainteresovanim učesnicima i prolaznicima o zdravim životnim stilovima kao načinu prevencije različitih oboljenja.



Prigodnim sadržajima obilježen Svjetski dan štitne žlijezde

Sarajevo, 25. 5. 2023.

Zavod za javno zdravstvo Federacije Bosne i Hercegovine, u saradnji sa Udruženjem za bolesti štitnjače “Štit” iz Tuzle i poliklinikom UNIMED iz Sarajeva, obilježio je 25. maj – Svjetski dan štitne žlijezde.

Na štandovima ispred zgrade Zavoda u Sarajevu predstavnici Zavoda, predstavnici Udruženja za bolesti štitnjače “Štit” iz Tuzle, predstavnici poliklinike UNIMED iz Sarajeva i učenici JU Srednje medicinske škole Sarajevo građanima su dijelili informativne letke i edukativno – promotivne materijale, a sa zainteresovanima su razgovarali o važnosti

štitne žlijezde, njenim bolestima, putu od simptoma i dijagnostike do terapije, ali i prevenciji te o životu i svakodnevnicima oboljelih. Za neke sugrađane bio je omogućen i ljebarski pregled štitne žlijezde u zavodskoj ambulanti.

Prof. dr. sc. Aida Ramić-Čatak, dr. med. - pomoćnica za medicinske poslove direktora Zavoda za javno zdravstvo Federacije BiH i voditeljica Sektora za javno zdravstvo Zavoda, poručila je građanima da se redovno kontrolišu i obavljaju sistematske preglede, kako bi sačuvali zdravlje štitne žlijezde.



Obilježen Svjetski dan multiple skleroze

Sarajevo, 30. 5. 2023.



Pod sloganom “Povezujem se, povezujeemo se!” Zavod za javno zdravstvo Federacije BiH, u saradnji sa Udruženjem oboljelih od multiple skleroze Kantona Sarajevo, prigodnim sadržajima obilježio je Svjetski dan multiple skleroze.



Na konferenciji za novinare medijima su se obratili prof. dr. sc. Aida Ramić-Čatak, dr. med. - pomoćnica direktora za medicinske poslove i voditeljica Sektora za javno zdravstvo ZZJZFBiH i g. Gordan Muzurović, predsjednik Udruženja oboljelih od multiple skleroze



Kantona Sarajevo. Govorili su o prirodi ove bolesti, iznijeli podatke o njenoj učestalosti u Federaciji BiH te izazovima sa kojima se suočavaju oboljeli. Na štandu ispred zgrade Zavoda za javno zdravstvo Federacije BiH predstavnici Zavoda, predstavnici Udruženja i

učenici JU Srednje medicinske škole Sarajevo građanima su dijelili informativne letke i edukativno - promotivne materijale, a sa zainteresovanima su razgovarali o multipli sklerozi – „bolesti sa hiljadu lica“ i terapijskom pristupu ovoj bolesti.



Nastavak radionica o standardnim operativnim procedurama za efikasno upravljanje vakcinama u Federaciji BiH

Mostar, Sarajevo, Travnik, Tuzla, maj 2023.

UNICEF BiH i Fondacija INFOHOUSE organizovali su četiri jednodnevne radionice naziva „Standardne operativne procedure za efikasno upravljanje vakcinama“ u okviru projekta „Vođenje razvoja standardnih operativnih procedura kao dio aktivnosti efikasnog upravljanja vakcinacijom u Federaciji Bosne i Hercegovine, Republici Srpskoj i Brčko distriktu BiH“.

Radionice su održane za domove zdravlja i bolnice sa vakcinalnim punktovima u Mostaru, Sarajevu, Travniku i Tuzli, a vodili su

ih prim. dr. sc. Sanjin Musa, dr. med. i mr. ph. Šejla Čolaković iz Zavoda za javno zdravstvo Federacije BiH. Govorilo se o pravilnom upravljanju nabavkom, distribucijom, korištenjem i rukovanjem vakcinama, evaluiranim programima vakcinacije u Federaciji Bosne i Hercegovine, a predstavljeni su i planovi unaprjeđenja u sistemima vakcinisanja tamo gdje su potrebni. Radionicama su prisustvovali i članovi radne grupe za logistiku koordinacije imunizacije i aktivnosti u lancu snabdijevanja iz kantonalnih zavoda za javno zdravstvo.



■ Sastanak nacionalnih fokal pointa za nadzor nad gripom i COVID-19

Kopenhagen, 31. 5. 2023.- 2. 6. 2023.

Sastanak nacionalnih fokal pointa za nadzor nad gripom i COVID-19 u Evropi, u kojem su učestvovali i predstavnici Zavoda za javno zdravstvo Federacije BiH, organizovala je Regionalna kancelarija Svjetske zdravstvene organizacije (SZO) za Evropu i Evropski centar za prevenciju i kontrolu bolesti (ECDC).

U vrijeme globalne tranzicije iz pandemije COVID-19, osnovni cilj sastanka bila je rasprava o tehničkim i operativnim pitanjima povezanim sa nadzorom nad COVID-19 i gripom, virusologijom, procjenom rizika i odgovorom

u Evropi.

U sesiji “Planiranje pripravnosti za pandemiju respiratorne bolesti: Lekcije naučene od COVID-19 o korištenju nadzora i laboratorijskih studija za informisanje upravljanja rizikom”, prof. dr. sc. Sanjin Musa, dr. med. iz Zavoda za javno zdravstvo Federacije BiH je prezentovao studiju “Prijenos SARS-CoV-2 u domaćinstvima: Prospektivna opservacijska studija u Bosni i Hercegovini, avgust – decembar 2020”, koja je bila dio projekta WHO Unity studije.



■ Sastanak partnera BestReMap projekta – radnog paketa 7

Sarajevo, 1. 6. 2023.

Nacionalni institut za javno zdravlje Slovenije i Zavod za javno zdravstvo Federacije BiH organizovali su sastanak partnera BestReMap projekta

– radnog paketa 7 u Zavodu za javno zdravstvo Federacije Bosne i Hercegovine u Sarajevu.

BestReMaP (Joint Action on Implementation



of Validated Best Practices in Nutrition) je zajednička akcija država članica Evropske unije za implementaciju najboljih praksi vezanih za unaprjeđenje prehrane, finansirana iz Zdravstvenog programa Evropske unije, sa posebnim fokusom na djecu. Glavni cilj je prilagođavanje i provođenje dokazano efikasnih intervencija u području reformulacije i oglašavanja prehrambenih proizvoda te nabavke hrane u javnim ustanovama.

Učesnike sastanka je pozdravio i zaželio im dobrodošlicu prim. mr. sc. Siniša Skočibušić, dr. med. - direktor Zavoda za javno zdravstvo



Federacije Bosne i Hercegovine. Stručna koordinatorica projektnog tima Zavoda za javno zdravstvo Federacije BiH dr. sc. Aida Filipović Hadžiomerađić, dr. med. izrazila je zadovoljstvo partnerstvom Zavoda za javno zdravstvo Federacije Bosne i Hercegovine u BestReMap projektu.

U sklopu programa sastanka u Sarajevu, učesnici su posjetili fabriku mlijeka „Milkos“ d.o.o. sa kojom je Zavod za javno zdravstvo Federacije Bosne i Hercegovine uspostavio saradnju na realizaciji prioriteta BestReMap projekta.



Posjeta zdravstvenim ustanovama na području Tuzlanskog Kantona

Tuzlanski kanton, 1. 6. 2023.- 2. 6. 2023.

U cilju intenziviranja aktivnosti na unosu zbirnih izvještaja i individualnih prijava u softversku aplikaciju Zavoda za javno zdravstvo Federacije BiH "RegiZ", u periodu 1. 6. do 2. 6. 2023. godine predstavnici Zavoda za javno zdravstvo Federacije BiH obišli su zdravstvene ustanove na području Tuzlanskog kantona, uključujući i Zavod za javno zdravstvo TK. Cilj posjete je bila

instalacija kreiranih licenci za VPN po ustanovama na području Tuzlanskog kantona.

Zavod za javno zdravstvo Federacije BiH omogućio je svim zdravstvenim ustanovama u Federaciji BiH pristup softveru RegiZ putem VPN aplikacije, sa ciljem uspostave jedinstvenog javnozdravstvenog sistema izvještavanja.





Posjeta međunarodno priznatih naučnika Zavodu za javno zdravstvo Federacije BiH

Mostar, 9. 6. 2023.

Eminentni i međunarodno priznati naučnici u području virusne imunologije i molekularne biologije: prof. dr. sc. Stipan Jonjić, dr. med. - Medicinski fakultet Sveučilišta u Rijeci, član Hrvatske akademije znanosti i umjetnosti, prof.dr.sc. Ivan Đikić, dr. med. - direktor Instituta za biohemiju Univerziteta Goethe u Frankfurtu, član Njemačke nacionalne akademije nauka Leopoldina i Američke akademije umjetnosti i nauke i doc. dr. sc. Ilija Brizić iz Centra za proteomiku Medicinskog fakulteta Sveučilišta u Rijeci, u pratnji prof. dr. sc. Jurice Arapovića, dr. med. posjetili su Zavod za javno zdravstvo Federacije Bosne i Hercegovine - organizacionu jedinicu u Mostaru.

Goste je dočekaao direktor Zavoda za javno zdravstvo Federacije Bosne i Hercegovine prim. mr. sc. Siniša Skočibušić, dr. med. sa saradnicima. Tom prilikom je istakao da je od izuzetne važnosti saradnja i partnerstvo na međunarodnom nivou, kako bi se postigla osnovna svrha javnog zdravstva - očuvanje i unaprjeđenje zdravlja stanovništva.

Gosti su obišli hladni lanac i laboratorije Zavoda za javno zdravstvo Federacije Bosne i Hercegovine - organizacione jedinice u Mostaru, koje imaju kapacitet obavljanja fizičko-hemijskih, mikrobioloških i radioloških analiza hrane, vode i predmeta opšte upotrebe, kao i analize bioloških uzoraka za dijagnostiku i nadzor zaraznih bolesti.



Održan Simpozij “Pitanje za nauku: Vakcinacija ili pametni lijekovi?”

Mostar, 10. 6. 2023.

Asocijacija infektologa u Bosni i Hercegovini, Zavod za javno zdravstvo Federacije BiH, Medicinski fakultet Sveučilišta u Mostaru, Federalno Ministarstvo obrazovanja i nauke i studentska sekcija za farmakologiju i imunologiju – PHARMiON, organizovali su simpozij s međunarodnim učešćem naziva “Pitanje za nauku: Vakcinacija ili pametni lijekovi?” u velikom afiteatru Medicinskog fakulteta Sveučilišta u Mostaru.

Učesnike Simpozija pozdravili su prof.dr.sc. Jurica Arapović, dr.med. - predsjednik Organizacionog odbora Simpozija i direktor Liječničke/Ljekarske komore HNŽ/K prim. dr. med. Mehmed Haznadar, kao suorganizatori Simpozija.

Teme o kojima se raspravljalo na Simpoziju odnosile su se na kreiranje vakcina za pandemijski virus i tumore terapijske metode protiv zaraznih bolesti i tumora, epidemiološke aspekte kontrole zaraznih bolesti i značaj

prevencije invazivnih bakterijskih bolesti nakon pandemije COVID-19. O ovim temama su izlagali i sa prisutnim naučnicima, istraživačima, profesorima, ljekarima, studentima i dr. raspravljali eminentni i međunarodno priznati naučnici i stručnjaci iz Republike Hrvatske, SR Njemačke i BiH: prof. dr. sc. Stipan Jonjić, dr. med. sa Medicinskog fakulteta Sveučilišta u Rijeci - član Hrvatske akademije znanosti i umjetnosti, prof. dr. sc. Ivan Đikić, dr. med. - direktor Instituta za biohemiju Univerziteta Goethe u Frankfurtu, član Njemačke nacionalne akademije nauka Leopoldina i Američke akademije umjetnosti i nauke, doc. dr. sc. Ilija Brzić iz Centra za proteomiku Medicinskog fakulteta Sveučilišta u Rijeci, izv. prof. dr. sc. Ivan Čavar - dekan Medicinskog fakulteta, član Organizacionog odbora Simpozija, prim. izv. prof. dr. sc. Sanjin Musa, dr. med. sa Medicinskog fakulteta Univerziteta Sarajevo School of Science and Tehnology, voditelj Službe

za epidemiologiju zaraznih bolesti Zavoda za javno zdravstvo Federacije BiH.

Direktor Zavoda za javno zdravstvo Federacije Bosne i Hercegovine i član Organizacionog odbora Simpozija prim. mr. sc. Siniša Skočibušić, dr. med. naglasio je da nema kvalitetnog zdravstva bez kvalitetnog i temeljnog istraživanja, a kasnije i kliničke primjene.

Organizacioni odbor Simpozija zahvalnice je uručio i eminentnim i međunarodno

priznatim naučnicima i stručnjacima, predavačima na Simpoziju, suorganizatorima i drugima koji su pomogli njegovu realizaciju.

Prof. dr. sc. Ivan Čavar uputio je riječi zahvalnosti Federalnom ministarstvu obrazovanja i nauke, koje u kontinuitetu podržava rad i misiju Medicinskog fakulteta Sveučilišta u Mostaru i u to ime dodijelio Plaketu gospodinu Jasminu Brankoviću, pomoćniku federalnog ministra za obrazovanje i nauku.





Održan porodični dan “Zdravo svima!”

Sarajevo, 25. 6. 2023.

Povodom mjeseca roditeljstva, u Pionirskoj dolini u Sarajevu održan je porodični dan naziva “Zdravo svima!” kojeg su organizovali UNICEF BiH i Fondacija INFOHOUSE u partnerstvu sa Zavodom za javno zdravstvo Federacije BiH.

Prisutne je u ime direktora Zavoda za javno zdravstvo Federacije Bosne i Hercegovine prim.mr.sc. Siniše Skočibušića, dr.med. i u svoje ime pozdravila prof. dr. sc. Aida Ramić-Čatak, dr. med. - pomoćnica direktora za medicinske poslove i voditeljica Sektora za javno zdravstvo Zavoda za javno zdravstvo Federacije BiH te istakla važnost koju ima porodica u očuvanju zdravlja djece i adolescenata.

Fatima Čengić, voditeljica Programa za zdravstvo i za rani rast i razvoj u UNICEF BiH koji je obezbijedio ulaz u Pionirsku dolinu za 500 djece i 500 roditelja, u svom obraćanju naglasila je da UNICEF BiH nastavlja raditi

na jačanju zdravstvenog sistema za pružanje usluga roditeljima i djeci.

Predstavnice Zavoda za javno zdravstvo Federacije BiH: dr. sci. med. Aida Filipović -Hadžiomeragić, prim. mr. sci. Adnana Dizdarević-Maksumić, dr. med. i dr. med. Rozalija Nedić razgovarale su sa roditeljima i starateljima djece o značaju zdrave ishrane, vakcinacije djece, rane detekcije odstupanja od normalnih vrijednosti tokom njihovog rasta i drugim temama vezanim za zdravlje djece te dijelile informativne letke i edukativno-promotivne materijale.

Na kraju programa, u Pionirskoj dolini u Sarajevu zasađeno je mlado drvo jabuke kao simbol prijateljstva i partnerstva UNICEF BiH, Fondacije INFOHOUSE, Zavoda za javno zdravstvo Federacije Bosne i Hercegovine i RZC i Zoo vrta Pionirska dolina Sarajevo.



Donacija Zavoda za javno zdravstvo Federacije BiH zemaljskom muzeju BiH

Sarajevo, 27. 6. 2023.

Zavod za javno zdravstvo Federacije Bosne i Hercegovine donirao je Zemaljskom muzeju Bosne i Hercegovine šest maketa i dva eksponata, što će biti uvršteno u kolekciju Odjeljenja za etnologiju Zemaljskog muzeja Bosne i Hercegovine. Zamjenici direktora Zemaljskog muzeja BiH dr. sc. Ani Marić donaciju je uručio prim. mr. sc. Siniša Skočibušić, dr. med. - direktor Zavoda za javno zdravstvo

Federacije BiH, kao način kojim ova institucija podržava aktivnosti Zemaljskog muzeja BiH u prikupljanju, očuvanju i izlaganju kulturno-historijskog i prirodnog naslijeđa BiH. Susret je bio prilika za predstavljanje aktivnosti i organizacione strukture Zavoda za javno zdravstvo Federacije BiH, čime je ozvaničen početak saradnje ove dvije institucije.



Glavni i odgovorni urednik
prim. mr. sc. Siniša Skočibušić, dr. med.

Zamjenica glavnog i odgovornog urednika
Elvedina Žiga, dr. med.

Lektor
Maja Kojović

Dizajn
FRAM-ZIRAL d.o.o., Mostar

Izdavač
Zavod za javno zdravstvo
Federacije Bosne i Hercegovine

ISSN
2831-1604

Mjesto i godina izdavanja
Sarajevo/Mostar, 2023.

ZAVOD ZA JAVNO ZDRAVSTVO FEDERACIJE BOSNE I HERCEGOVINE

Organizacijska jedinica u Mostaru

📍 Vukovarska 46
☎ +387 36 382 101
✉ kabinet.mo@zzjfbih.ba

Organizacijska jedinica u Sarajevu

📍 Maršala Tita 9
☎ +387 33 564 601
✉ kabinet.sa@zzjfbih.ba

